

於身切莫論賢愚好對三光認太初剔正四門通教化弼端一  
性便開舒清涼境界逍遙佳閑暇光陰自在居奪得仙丹超造  
化有餘真樂證無餘

答戰公問先釋後道

釋道從來是一家兩般形貌理無差識心見性全真覺知永通  
鉛結善芽馬子休令川撥掉猿兒莫似浪淘沙慧燈放出騰霄  
外照斷繁雲見彩霞

呂公欲退吏求問

掌條行法每兢兢恰似臨淵履薄冰三逕好歸投侍奉一身從  
妙做清澄靜中鍛鍊開心月得處光明放慧燈自有真師來度

道藏輯要

重陽全真集

二 上脞集一

汝玉峰山頂去昇騰

王公問五門

五蘊山頭闢五門氣神交結碧桃渾決令見性靈兼慧定是於  
真瑩不昏物外青霄應久聚空中朗月永長存青童捧出金丹  
妙唯許元初白討論

馬公問平等

往來須認定盤星出入還應辨斗青見彼過如余口過願人靈  
似我心靈自通天地神尤爽得觀烏蟾性轉馨便是修行真妙  
訣若能依此達天庭

張姑求問

九葉金花永展舒八渠瓊水任相於七門得得俱通達四象明  
明總寂虛一粒神丹歸正路二條銀線結元初光輝燦爛知分  
付果證無餘樂有餘

### 磨鏡

磨鏡爭如磨我心我心自照遠還深鑑迴名利眞清淨顯出虛  
无不委沉一片靈光開大道萬般雲彩出高岑教公認取玄玄  
寶掛在明堂射古今

### 和落花韻

不謀輕舉望昇飛碧洞無勞閉玉扉久厭世情名與利素嫌人  
世是和非須知謹謹修心地何必區區街道衣門外落花任風  
雨不知誰肯悟希夷

### 道藏輯要

重陽全真集

三

上胃集一

### 題紅白牡丹

紅白絞綃剪作團青羅帳上穩排安清香遠噴无差別異質雖  
殊各正端塵世久遺三鳥種時人休作兩般看我今折得同歸  
去步步雲霞代彩鸞

### 遲法師註道德經

遵隆太上五千言大道無名妙不傳一氣包含天地髓四時幹  
運歲辰玄五行方闡陰陽位二曜初分造化權窮默昏冥非有  
說自然秘密隱神仙

### 劉仙求問